

**RUKOMETNI SAVEZ
BOSNE I HERCEGOVINE**

PROPOZICIJE TAKMIČENJA



K U P R S B i H

ZA ŽENE I MUŠKARCE

Godina 2017 - 2018

Na osnovu člana 37. Statuta Rukometnog saveza Bosne i Hercegovine i člana 4., 5. i 9. Pravilnika o organizaciji takmičenja, Upravni odbor Rukometnog saveza Bosne i Hercegovine (u daljem tekstu UO RS BiH), na svojoj sjednici, održanoj 10.10.2017. godine, donio je

PROPOZICIJE

Kup takmičenja za 2017 / 2018 godinu

I. OPŠTA PRAVILA

Čl. 1.

Ovim Propozicijama određuje se oblik, organizacija i održavanje rukometnih takmičenja u KUP – u RS BiH.

Odredbama ovih Propozicija utvrđuje se sastav KUP takmičenja, pravila takmičenja, kalendar takmičenja, troškovi takmičenja, vođenje takmičenja i ostalo što je u vezi sa KUP takmičenjima za žene i muškarce (način prijave, takse, izvlačenje, nagrade, primjedbe/žalbe).

Po usvajanju, Propozicije takmičenja bit će objavljene na oficijelnoj web stranici RS BiH: www.rsbih.com

Čl. 2.

Rukometni savez Bosne i Hercegovine je organizator KUP takmičenja Bosne i Hercegovine u ženskoj i muškoj konkurenciji. Takmičenja neposredno vodi Komesar takmičenja Rukometnog saveza Bosne i Hercegovine, određen za KUP takmičenja

Čl. 3.

KUP takmičenja provodi se prema odredbama ovih Propozicija i ostalih propisa Rukometnog saveza Bosne i Hercegovine (u daljem tekstu: RS BiH).

Čl. 4.

U za KUP Bosne i Hercegovine učestvuju klubovi koji se igraju u Premijer ligi i Prvim ligama u ženskoj i muškoj konkurenciji i Škole rukometa.

Učestvovanje za sve klubove Premijer lige u muškoj i ženskoj konkurenciji je obavezno, prema Odluci Upravnog odbora RS BiH.

II. PRIJAVA EKIPA

Čl. 5.

Prijava za učestvovanje u KUP-u Bosne i Hercegovine dostavlja se Komesaru takmičenja na e-mail adresu: dragomir.saponja@gmail.com ili na fax: **033 668-143**, a Prijava sadrži:

- Naziv kluba • Mjesto kluba • Dvorana kluba za igru
- E-mail adresa (obvezno)
- Kontakt osoba
- Telefon/fax/mobitel.

Rok za prijave utvrđuje se na osnovu konkursa, te kalendara takmičenja RS BiH.

III. SISTEM KUP TAKMIČENJA

Čl. 6.

Takmičenje za KUP Bosne i Hercegovine, odvija se u dva stepena. Prvi stepen čine takmičenja na nivou predkola i **četvrtfinala** i održava se u ženskoj i muškoj konkurenciji.

U **predtakmičenju igra se po jedna utakmica u mjestu prvo izvučene ekipe.**

U četvrtfinalu KUP-a Bosne i Hercegovine u kome učestvuje 8 ekipa u muškoj i 8 ekipa u ženskoj konkurenciji, igraju se po dvije utakmice (prvo izvučena ekipa je jednom domaćin, a jednom gost).

U koliko u predtakmičenju ekipa nakon žrijeba odustane od igranja utakmice, u naredno kolo se automatski plasira protivnička ekipa.

U koliko se u predtakmičenjima ne plasira dovoljan broj ekipa, u četvrtfinale se automatski plasiraju ekipe čije su protivničke ekipe odustale od daljnjeg takmičenja.

ČI. 7.

Drugi stepen čini završnica KUP takmičenja (final four) u kojoj su učestvuju 4 kluba u muškoj i 4 kluba u ženskoj konkurenciji koji su ostvarili plasman za završnicu.

ČI. 8.

Komesar takmičenja će raspisati konkurs za organizatora finalnih turnira (**FINAL FOUR**) u muškoj i ženskoj konkurenciji.

Klub koji je ponudio najbolje uslove i kome je povjerena organizacija završnice KUP-a dužan je uplatiti taksu u visini koju utvrdi UO RS BiH ili dostaviti bankovnu garanciju što će se u cijelosti vratiti klubu ukoliko organizuje i provede takmičenja završnice KUP-a.

Ako se do predviđenog roka ne javi niti jedan klub za organizaciju turnira ili ako klub kome je povjerena organizacija završnice odustane, UO RS BiH će odrediti mjesto odigravanja turnira u muškoj i ženskoj konkurenciji.

ČI. 9.

Muški klubovi koji su u sezoni 2016/2017. zauzeli prva četiri mjesta nakon okončanog doigravanja i to:

1. RK "IZVIĐAČ"
2. RK "VOGOŠĆA"
3. RK "BORAC"
4. RK "KONJUH"

se direktno plasiraju u četvrtfinale, a klubovi koji ostaju u Premijer ligi RS BiH, te novi Premijer ligaši klubovi:

1. RK "SLOGA"
2. RK „DERVENTA"
3. RK „KONJUH"
4. RK „KAKANJ"
5. HMRK „ZRINJSKI"
6. RK „BOSNA" SARAJEVO
7. RK „GORAŽDE"
8. RK „SLAVIJA"
9. RK „BOSNA ""

UČESTVUJU u predkolima KUP – a zajedno sa ekipama koje se prijave na osnovu konkursa kojeg će raspisati Komesar takmičenja do predviđenog termina.

Ženski klubovi koji su u sezoni 2016/2017. zauzeli mjesta od jedan do četiri i to:

1. HŽRK "GRUDE"
2. ŽRK "JEDINSTVO ADLER"
3. ŽRK "MIRA"
4. ŽRKKRIVAJA"

se direktno plasiraju u četvrtfinale, a ostali klubovi koji ostaju u daljnjem takmičenja u Premijer ligi RS BiH (od 5-og do 10-og mjesta), te novi Premijer ligaški klubovi:

1. ŽRK "BIHAĆ"
2. RK „IZVIĐAČ"
3. ŽRK "ILIDŽA"
4. ŽRK „GORAŽDE"
5. ŽRK „DUBICA"
6. HRK „KATARINA"
7. ORK „NERETVA"
8. ŽRK „HADŽIĆI"

učestvuju u predkolima KUP–a zajedno sa klubovima koji se prijave na osnovu konkursa kojeg će raspisati Komesar takmičenja do predviđenog termina.

IV. KALENDAR TAKMIČENJA

Čl. 10.

UO RS BiH, na prijedlog Komesara takmičenja, usvaja kalendar takmičenja KUP- a. Utakmice KUP-a takmičenja igraju se prema usvojenom kalendaru.

Čl. 11.

Utakmice KUP – a Bosne i Hercegovine za sezonu 2017/2018 odvijaju se u terminima:

Za žene i muškarce – pred kolo I.	15.11.2017. g.
Za žene i muškarce – pred kolo II.	06.12.2017. g.
Za žene i muškarce – četvrtfinale - prva utakmica	11.04.2018. g.
Za žene i muškarce – četvrtfinale - druga utakmica	25.04.2018. g.
Za žene – FINALNI TURNIR	19/20.05.2018. g
Za muškarce – FINALNI TURNIR	25/27.05.2018. g.

Mjesto i vrijeme početka finalnih turnira naknadno će se odrediti na sjednici UO RS BiH, na prijedlog Komesara takmičenja, te na osnovu pravilnika takmičenja

V. PRAVILA IGRE

Članak 12.

Utakmice KUP - a igraju se po međunarodnim Pravilima rukometne igre (IHF).

VI. PRAVILA TAKMIČENJA

Čl. 13.

Pravilima takmičenja određuju se:

- uvlovii i način organizovanja utakmica,
- izvlačenje,
- pobjednik utakmice,

Čl.ak 14.

Sve utakmice KUP - a Bosne i Hercegovine igraju se u dvoranama.

VII. ORGANIZACIJA TAKMIČENJA

Čl. 15.

Utakmicu organizuje klub domaćin u skladu sa odredbama pravilnika KUP takmičenja

Čl.16.

Klub, domaćin utakmice, mora najkasnije devedeset šest (96) sata prije početka utakmice fax – om, e-mail-om obavijestiti o , vremenu i mjestu odigravanja utakmice i to:

- gostujući Klub (sa naznakom boje dresova igrača i golmana),
- delegata,
- sudije
- zapisničara i mjeriioaca vremena i
- Komesar takmičenja na e-mail dragomir.saponja@gmail.com , na fax:033 668 143

Klub koji ne ispuni odredbe iz **stava 1.** ovog člana, kaznit će se sa novčanom kaznom u iznosu **od 300,00 KM.**

Čl. 17.

Klub, domaćin utakmice, mora obezbijediti sportsku dvoranu u skladu odredbi ovih Propozicija.

Klub, domaćin utakmice, mora obezbijediti najmanje četiri (4) službene osobe, koje moraju nositi vidljive oznake i ne smiju biti mlađe od osamnaest (18) godina .

Najkasnije trideset (30) minuta prije početka utakmice, Klub domaćin utakmice, mora imenovanom delegatu utakmice predati pismeni popis službenih osoba koji sadrži: ime, prezime i JMBG.

Klub, domaćin utakmice, mora omogućiti delegatu utakmice, ako on to zatraži, provjeru identiteta službenih osoba.

Od svih službenih osoba, jedna osoba je glavna službena osoba.

Delegat utakmice je obavezan u zapisnik utakmice upisati osnovne podatke o glavnoj službenoj osobi.

Klub koji ne ispuni odredbe iz stava 1., 2., 3. i 4. ovog člana, kaznit će se sa novčanom kaznom u visini od **50,00 KM**.

Čl. 18.

Klub, domaćin utakmice, je obavezan na vrijeme, u skladu sa odredbama zakona, pismeno obavijestiti nadležnu Policijsku upravu, o vremenu i satu odigravanja utakmice, te u tom smislu zatražiti prisutnost određenog broja policajaca.

Policajci moraju biti prisutni u sportskoj dvorani najmanje petnaest (15) minuta prije početka utakmice. Klub, domaćin utakmice, je obavezan najmanje trideset (30) minuta prije početka utakmice, delegatu utakmice predložiti pisani dokaz kojim je obavijestio i zatražio prisustvo policije, a koji mora biti ovjeren od nadležne Policijske uprave.

Klub koji ne ispuni odredbe iz stava 1. i 2. ovog člana, kaznit će se sa novčanom kaznom od **100,00 KM**.

Čl. 19.

Klub, domaćin utakmice, mora pravovremeno obezbijediti i službenog ljekara ili zdravstvenog tehničara s potrebnim priborom za pružanje prve pomoći.

Ljekar ili zdravstvena osoba iz stava 1. ovog člana mora se javiti delegatu utakmice najkasnije trideset (30) minuta prije početka utakmice.

Utakmica se ne smije igrati bez prisustva ljekara ili zdravstvene osobe.

Klub, domaćin utakmice, mora omogućiti delegatu utakmice, ako on to zatraži, provjeru identiteta ljekara ili zdravstvene osobe.

Delegat utakmice je obavezan u zapisnik utakmice upisati osnovne podatke o ljekaru ili zdravstvenoj osobi (ime i prezime; JMBG; faksimil).

Klub koji ne ispuni odredbe iz stava 1., 2. i 4. ovog člana, kaznit će se novčanom kaznom od **150,00 KM**

Čl. 20.

Klub, domaćin utakmice, mora poštovati sve propise RS BiH, a u vezi s organizacijom utakmica.

Organizovanje utakmice se smatra završenim, kada svi učesnici napuste sportsku dvoranu.

Klub, domaćin utakmice, je odgovoran za red i sigurnost u sportskom objektu.

On mora na usmeni zahtjev gostujućeg kluba i službenih predstavnika, pružiti potpunu sigurnost od dolaska u mjesto igranja utakmice, pa do odlaska iz mjesta igranja.

Klub koji ne ispuni odredbe iz stava 1., 2. i 3. ovog člana, kaznit će se novčanom kaznom u iznosu od **200,00 KM**.

Komesar takmičenja je dužan redovno izdavati Bilten KUP-a i to nakon svakog odigranog kola te ga putem elektronske pošte (e – mail) poslati na adresu RSBIH koji je dužan isti postaviti na Web stranicu RS BiH.

Bilten je službeno i javno sredstvo izvještavanja i objavljivanja odluka i zaključaka Komesara.

Bilten predstavlja odluku u prvom stepenu.

VIII. IZVLAČENJE

Čl. 21.

Izvlačenje parova za KUP takmičenja vrši Komesar takmičenja za prvo predkolo i naredna predkola. Ekipe koje su u prethodnom kolu bile slobodne, obavezno učestvuju u narednom izvlačenju.

Izvlačenju mogu biti prisutni i predstavnici klubova.

Izvlačenje parova za ¼ finale vrši Komesar takmičenja po završetku takmičenja u predkolima. Prvi izvučeni klub je domaćin prve utakmice.

Čl. 22.

Utakmice se igraju do dobivanja pobjednika. Utakmice traju 2 x 30 min. sa odmorom od 10 minuta.

Čl. 23.

Klubovi koji učestvuju u predkolima KUP-a izborili su plasmanu za dalje takmičenja

- ako pobijede,
- ako nakon regularnog toka utakmica završi neriješeno, igraju se produžeci shodno članu 24. (do dobivanja pobjednika).

Klubovi koji su izborili plasman u četvrtfinale igraju dvije utakmice, jednom kao domaćin, a drugi put kao gost.

Klub se plasira za dalje takmičenja ako:

- pobijedi u oba susreta;
- pobijedi jednu utakmicu, a drugu odigra neriješeno;
- a ako oba kluba imaju isti broj pobjeda, tada je pobjednik onaj klub koji je postigao više pogodaka u gostima;
- ako je i to isto, igra se produžetak shodno članu 24. Produžetak se igra na terenu kluba koji je u drugoj utakmici domaćin;
- u slučaju da obje utakmice završe neriješeno dalje takmičenje nastavlja klub koji je postigao više pogodaka u gostima
- ako su oba kluba postigla isti broj pogodaka onda se igra produžetak shodno članku 24. Produžetak se igra na terenu kluba koji je u drugoj utakmici domaćin.

Čl. 24.

Ako se utakmica završi u regularnom toku neriješenim rezultatom, nakon pauze od 5 minuta, igra se produžetak u trajanju od 2 x 5 minuta, sa odmorom koji traje jednu (1) minutu.

Ako je i nakon prvog produžetka ishod ponovo neriješen, drugi produžetak u trajanju od 2 x 5 minuta, igra se nakon odmora od pet (5) minuta.

Ako se i nakon produžetka ne dobije pobjednik izvode se sedmerci.

- Prije nego se počnu izvoditi sedmerci svaki klub će prijaviti po 5 (pet) igrača/ica, koji su po završenoj utakmici, odnosno nakon produžetka, imali pravo nastupa, na način da delegatu utakmice i sudijama uruče spisak i brojeve igrača/ica. Svaki od ovih igrača/ica izvodi po jedan sedmerac mijenjajući se sa protivničkim klubom. Klubovima je ostavljeno na volju da odrede redoslijed izvođenja sedmeraca.
- golmani se mogu slobodno birati iz spiska igrača/ica i mijenjati u skladu sa Pravilima igre (zamjena dresa i slično).Golmani također mogu izvoditi sedmerce, ali i igrači/ice za izvođenje sedmeraca mogu igrati kao golmani (braniti).
- sudije biraju stranu i gol na kojim će se izvoditi sedmerci. Klub koji dobije ždrijeb, može birati da li da prvi izvodi sedmerac ili da to prepusti drugom klubu.
- Nakon prvog kruga izvođenja sedmeraca pobjednik je klub koji je postigao više pogodaka. U slučaju neriješenog rezultata nakon prvog kruga izvođenja sedmeraca, nastavlja se izvođenje sedmeraca sve dok se ne dobije pobjednik. U drugom krugu prvi sedmerac izvodi drugi klub bez ždrijebanja. Ponovo se bira po pet igrača/ica iz svake ekipe za izvođenje sedmeraca. Igrači/ce birani u prvom krugu mogu se ponovo birati.
- Nakon drugog kruga izvođenja sedmeraca, pobjednik je klub koji u drugom krugu postigne više pogodaka.
- Ako se i nakon drugog kruga izvođenja sedmeraca ne dobije pobjednik, izvođenje sedmeraca se nastavlja naizmjenično izvođenjem po jednog sedmerca do konačnog pobjednika. Prijavljeni igrači/ce drugog kruga mogu se mijenjati.

- igrači –ce i golmani sa pravom nastupa za izvođenje sedmeraca su igrači/ice upisani u zapisnik utakmice, a koji nisu bili diskvalifikovani ili isključeni na 2 minuta u vrijeme drugog produžetka u trenutku označavanja završnog signala za kraj utakmice.
- Ako u zapisniku utakmice jedan ili oba kluba imaju manje upisanih igrača/ica od 14 (četrnaest), klubovi se mogu dopunjavati sve dotle dok traje vrijeme trajanja igre do **okončanja produžetka** utakmice. Prilikom izvođenja sedmeraca niti jedan klub se ne može dopunjavati sa igračima/icama u zapisnik utakmice.
- Ozbiljnije prekršaje (**ako se igrači/ice ponovljeno i očito nespportski ponašaju**) koji se dogode u vrijeme izvođenja sedmeraca, treba kazniti diskvalifikacijom. Ako je igrač diskvalifikovan ili povrijeđen pa ne može izvesti sedmerac, dozvoljena je zamjena toga igrača/ice.
- Dok se izvode sedmerci samo igrač/ica koji izvodi sedmerac, odgovarajući golman i sudije mogu biti na toj polovini igrališta.
- Ako broj igrača/ica koji imaju pravo igre za vrijeme izvođenja sedmeraca (ili ranije) spadne ispod pet, može se birati igrač/ica koji će izvesti drugi sedmerac u istom krugu izvođenja.

Čl. 25.

Finalni turniri u muškoj i ženskoj konkurenciji **po četiri kluba** se igraju **2 (dva)** dana. Finalni turnir direktno vodi Komesar takmičenja.

Prvog dana turnira igraju se polufinalne utakmice (dvije), a izvlačenje parova vrši se prije početka ½ takmičenja, na osnovu odluke Komesara takmičenja o ždrijebu polufinalnih parova. Pobjednici polufinalnih utakmica nastavljaju takmičenja u finalu. Ekipe koje izgube utakmicu, ne nastavljaju takmičenja.

U slučaju da se utakmica ili utakmice polufinala završe neriješenim rezultatom **igra se produžetak u skladu sa članom 24.** ovih Pravila. Ovo se odnosi i za finalnu utakmicu.

IX. TROŠKOVI TAKMIČENJA

Čl. 26.

Klubovi učesnici KUP-a snose svoje troškove kao domaćini organizacije utakmice, a kao gosti troškove putovanja.

Finalni turniri KUP – a se organizuju na osnovu konkursa kojeg će propisati Komesar takmičenja, a Izvršni odbor će donijeti konačnu Odluku o mjestu odigravanja utakmice, te uslove pod kojim se igraju utakmice.

Čl.27.

Svi klubovi za učešće u KUP takmičenju, a plasirali su se u četvrtfinale uplaćuju Rukometnom savezu Bosne i Hercegovine jedinstvenu taksu u iznosu od po **200,00 KM.** sa naznakom **TAKSA KUP - a 2017/2018.**

Čl. 28.

Troškovi službenih lica obračunavaju se prema troškovniku, a odnose se na slijedeće:

- sudijska taksa po utakmici za jednog sudiju - **100,00 KM,**
- taksa delegata- **100,00 KM,**
- zapisničar i mjeriioč vremena zajedno **40,00 KM,**
- Putni troškovi se obračunava na osnovu **daljinara koji je sastavni dio Propozicija za takmičenja Premijer lige u sezoni 2017/2018.**

• dnevnice za službeno putovanje su regulisane prema Sl. listu BiH i iznose **25,00 KM (za jednu osobu)** i isplaćuje se prema troškovniku koji je sastavni dio Propozicija Premijer lige (zavisno od mjesta stanovanja).

Ako su službene osobe angažovane dva dana (za finalni turnir) tada će im se isplatiti jedna dnevnicu u punom iznosu.

X. SLUŽBENE OSOBE

ČI 29.

Službene osobe na utakmicama KUP – a Bosne i Hercegovine su sudije, kontrolor suđenja, mjerioci vremena i zapisničar.

Delegiranje službenih lica - sudija i kontrolora za sve utakmice KUP-a BiH vrši Komesar takmičenja

Kontrolor utakmice mora, po okončanju utakmice SMS porukom obavijestiti Komesara takmičenja o ishodu (rezultatu) i dati kratak komentar, a prvog radnog dana nakon odigrane utakmice do 12 (dvanaest) sati, poštom poslati Komesaru originalni zapisnik s mogućim pisanim izvještajima. Za neispunjavanje ove obaveze delegat/kontrolor će biti sankcionisan.

XI. NAGRADE

ČI.30.

Pobjednik finalnog susretu u muškoj i ženskoj konkurenciji je osvajač KUP – a Bosne i Hercegovine i dobiva:

- prelazni pehar i pehar u trajno vlasništvo RS BiH;
- medalje PRVAK – ZLATNE, a poražena ekipe SREBRENE.
- pobjednici KUP takmičenja u muškoj i ženskoj konkurenciji izborili su eventualno učešće u KUP - u EVROPSKIH pobjednika KUP - ova. Pravo i način izbora učešća utvrdit će IO RS BiH u dogovoru sa EHF - om.

XII. KAZNENE ODREDBE

ČI 31.

Kaznene odredbe regulisane su ovim Propozicijama i disciplinskim pravilnikom RS BiH.

Kaznene mjere i kazne izrečene na osnovu ovih Propozicija prenose se i za sva ostala takmičenja (Premijer i Prve lige) i obrnuto, kazne iz Premijer i Prve lige prenose se i za KUP takmičenje.

ČI. 32.

Svaki klub, koji pristupi takmičenja ili je obavezan učestvovati u takmičenja, a potom se povuče iz takmičenja, gubi pravo na svoju već uplaćenu taksu, a kažnjava se prema sljedećem:

POVLAČENJA:

Klub koji je obavezan učestvovati u takmičenju, prije početka takmičenja 500,00 KM nakon okončanog kruga predtakmičenja 500,00 KM

odmah nakon žrijeba 500,00 KM

10 dana prije utakmice 600,00 KM

9 dana prije utakmice 700,00 KM

8 dana prije utakmice 800,00 KM

7 dana prije utakmice 900,00 KM

6 dana prije utakmice 1.000,00 KM

5 dana prije utakmice 1.100,00 KM

4 dana prije utakmice 1.200,00 KM

3 dana prije utakmice 1.300,00 KM

2 dana prije utakmice 1.400,00 KM

1 dana prije utakmice 1.500,00 KM

Odustajanje od već organizovanih utakmica kaznit će se još i novčanom kaznom u iznosu **do 1.000,00 KM** što će odrediti IO RS BiH na osnovu gubitka koje su nastali kod organizatora utakmice.

Ako klubovi odustanu iz KUP-a, a svoje učešće su prijavili, ili su obvezni učestvovati u skladu članu 9. Ovih Propozicija, u ligaškom takmičenju bit će im oduzet 1 (jedan) bod od ukupno osvojenog broja bodova.

XIII. ŽALBA

Čl. 33.

Na odigranu utakmicu klub ima pravo izjaviti žalbu.

Žalba iz stava 1. ovog člana, se najavljuje najduže u roku od **30 (trideset)** minuta, računajući od trenutka okončanja utakmice, a prije zaključenja zapisnika utakmice.

U dopunskom izvještaju uz zapisnik sa utakmice moraju biti ubilježeni razlozi zbog kojih klub izjavljuje žalbu. Utakmica na koju je izjavljena žalba može biti poništena.

Provođenje žalbenog postupka regulisano je ovim Propozicijama KUP – takmičenja

Čl.34.

Komesar takmičenja ima pravo i obavezu poništiti utakmicu na koju nije uložena žalba, ako se dogodilo nešto što je u očitaj suprotnosti s Pravilima igre, propisima RS BiH i ovim Propozicijama, a od odlučujućeg je značaja za konačni ishod utakmice.

Čl. 35.

Žalba radi igrališta, sprava i uređaja, čiji su nedostaci vidljivi prije utakmice, mora se najaviti delegatu prije početka utakmice.

Žalba radi igrališta, sprava i uređaja, najavljena nakon utakmice, neće se razmatrati.

Čl.36.

U roku od četrdeset osam (48) sati, računajući od sata završetka utakmice, Klub koji je uložio žalbu, mora poštom otpremiti originalni primjerak žalbe sa svim bitnim elementima.

Klub koji podnosi žalbu, je obavezan na račun RS BiH, **uplatiti taksu u iznosu od 500,00 KM.**

Čl. 37.

Komesar takmičenja mora u roku od petnaest (15) dana, računajući od dana prijema žalbe, donijeti odluku o žalbi u prvom stepenu.

Žalba na utakmicu finalnog turnira mora se riješiti istog dana. **Žalbu rješava Komesar takmičenja (ili njegov opunomoćenik) i njegova odluka je konačna.**

Čl. 38.

Na odluku Komesara takmičenja nezadovoljna strana ima pravo podnijeti žalbu drugostepenom tijelu, (takmičarska komisija) i to u roku od osam (8) dana, računajući od dana prijema prvostepene odluke.

Nezadovoljna strana iz stava 1. ovog člana, koja podnosi žalbu, je obavezna na žiro račun RS BiH, uplatiti **taksu u iznosu od 1.000,00 KM.**

Čl. 39.

Na odluku drugostepenog organa može se uložiti zahtjev za zaštitu zakonitosti.

Zahtjev za zaštitu zakonitosti iz stava 1. ovog člana podnosi se Predsjedništvu RS BiH u roku od osam (8) dana, računajući od dana prijema drugostepene odluke.

Čl. 40.

Žalba na prvostepenu odluku podnosi se drugostepenom organu isključivo posredstvom Komesara takmičenja.

Zahtjev za zaštitu zakonitosti podnosi se posredstvom IO RS BiH.

XIV.PRIVREMENI I TRAJNI PREKID UTAKMICE

Čl. 41.

Utakmica se može prekinuti privremeno ili trajno. O prekidu utakmice odlučuju sudije ako su iscrpljene sve prethodne mogućnosti, da bi se utakmica privela kraju.

Čl. 42.

Utakmica se prekida privremeno radi:

- ako se igralište u toku utakmice onesposobi za igru toliko da onemogući nadzor nad loptom;
- rasvjete koja ne zadovoljava propisane uslove;
- neuljudnog vladanja gledalaca i nakon upozorenja od strane delegata utakmice;
- bacanja predmeta u igralište, na sudije i službene osobe ili igrače/ice;
- fizičkog napada na učesnike utakmice;
- fizičkog obračuna između pripadnika jednog i drugog Kluba,
- nereda na igralištu, ometanja igre od gledalaca ili uopšte radi slabo organizovane utakmice;
- drugih razloga koji su predviđeni Pravilima igre.

Kada se utakmica privremeno prekine, prekid traje dok se ne stvore zadovoljavajući uslovi za nastavak igre.

Utakmica se prekida trajno:

- radi fizičkog napada na učesnike utakmice s težim posljedicama i fizičkog napada na službene osobe;
- kad su narušena Pravila igre i uslovi igranja utakmice toliko, da sudije uprkos preduzetim mjerama, ne mogu utakmicu privesti kraju.

Prije odluke o trajnom prekidu, delegat utakmice i sudije moraju tražiti od Kluba domaćina utakmice:

- da ukloni nedostatke u organizaciji utakmice, ako je prekid nastao radi slabo organizovane utakmice,
- da uvede red u gledalištu i
- da isprazni gledalište ili djelomično udalji gledaoce.

Ako se ni tada ne obezbijedi red na igralištu, sudije će utakmicu trajno prekinuti.

Čl. 43.

Ako se igra ponovljena ili nastavlja privremeno prekinuta utakmica, troškove snosi Klub koji je prouzrokovao prekid utakmice.

Ako je utakmica prekinuta radi vremenske nepogode ili više sile, tada svaki Klub snosi svoje troškove.

XV. ODGODA UTAKMICE

Čl. 44.

Ako jedan klub daje najmanje jednog/nu igrača/icu za rep.selekciju Bosne i Hercegovine, može zatražiti odgađanje utakmice.

Ako jedan klub nastupa u jednom od EHF kupova, može zatražiti odgađanje utakmice.

Zahtjev za odgađanje utakmice podnosi se Komesaru takmičenja u pisanom obliku, i to najkasnije u roku od deset (10) dana, računajući od dana odigravanja utakmice. U zahtjevu se navode razlozi radi kojih se treba odložiti igranje utakmice.

Čl. 45.

Kup utakmica se može odgoditi i usled epidemije. Za odgodu ovakvih utakmica potrebno je pribaviti pismeni dokaz isključivo od nadležne zdravstvene ustanove (Doma Zdravlja) i dostaviti ga Komesaru takmičenja što brže, ali ne u kraćem roku od 24 (dvadeset četiri) sata prije početka već zakazane utakmice.

XVI. TV, RADIO, FILMSKA, VIDEO I REKLAMNA PRAVA

Čl. 46.

RS BiH na utakmicama za KUP Bosne i Hercegovine ima pravo da bez naknade postavi reklamne panoje dužine ne veće od 5 metara u prostoru ispred ili oko zapisničkog stola.

O postavljanju reklamnog panoa RS BiH će najmanje 5 (pet) dana prije održavanja susreta izvijestiti domaćina, u protivnom smatrat će se da je RS odustao od reklamiranja.

Čl. 47.

RS BiH može ustupiti organizaciju finalnih susreta drugim organizatorima.

Ugovorom će se regulisati odnos.

XVII. PRELAZNE I KONAČNE ODREDBE

Čl. 48.

Odredbe Propozicija tumači RS BiH. Za sve što nije predviđeno ovim Propozicijama, primijenit će se:

- Propozicije takmičenja Premijer lige
- Disciplinski pravilnik,
- Pravilnik o registraciji igrača.
- Pravilnik vezan za organizaciju takmičenja.
- i drugi propisi u vezi takmičenja.

Čl. 49.

Izmjene i dopune Propozicija vrše se na način i po postupku njihovog donošenja

Čl. 50.

Danom stupanja na snagu ovih Propozicija, prestaju važiti sve dotadašnje Propozicije.

Čl. 51.

Propozicije stupaju na snagu danom donošenja.

**IZVRŠNI ODBOR
RUKOMETNOG SAVEZA
BOSNE I HERCEGOVINE**

**ADRESA ZA SLANJE POŠTE:
REGIONALNI RUKOMETNI SAVEZ PRIJEDOR
ANEX SPORTSKE DVORANE MLADOST
N/R ŠAPONJA DRAGOMIR
79101 PRIJEDOR
TEL/FAX: 052 334401
MOB: 065472-869
E-MAIL dragomir.saponja@gmail.com**